

حقوقي بىلىكىلەر مجموعهسى

صاحب و سر محمد زې : پارس حقوق فاكولته نى دوققورى

آروقات مىللى غادرانقور

هيئت تحريه

موسير آشيل ماستر : پارس حقوق فاكولتهسى
مدرسلىرىدىن

موسير شادغرى : پارس حقوق فاكولتهسى
فقرى مدرسلىرىدىن

موسير ا. مالم : حقوق دول مجموعهسى
هيئت تحريه سندن

باهر بك : احضار قوائىن قومىيىنى اعضاسىدىن
محمد طلعت بك : آروقات

موسير آ. پليورى : پارس حقوق فاكولتهسى
دوققورى

فؤاد مخلصى بك : حكمة تميز اعضاسىدىن

صبرى بك : عدليه وكالتى حقوق ايشلىرى مديرى

مصطفى رشيد بك : استانبول حقوق فاكولتهسى
مدرسلىرىدىن

احمد رفيع بك : استانبول اجرا رئيسى

احمد صميم بك : استانبول حقوق فاكولتهسى
مدرسلىرىدىن

موسير شارل قروزا : استانبول حقوق فاكولتهسى
مدرسلىرىدىن

آدرهس : غلطه ده بختيار خان آروقات مىللى غادرانقور بلك بازىخانهسى
تلفون : بك اوغلى ۳۰۰۹

بهر نسخه نك بدلى ۳۵ غروشدر

بر سنه لك آونمانى پوسته اجرتيله برابر ۴۰۰ غروشدر

تور كيا خارجى ايچون ۵۰۰ غروشدر

كاغد جيلق و مطبعه جيلق آنونيم شركتى استانبول

۱۹۲۷

ثانیاً — عکس العمل هادسی عقده استراف ایدیلیمیه فقط بر ضرورت حقوقی
اولو اوزده بجای ایدیلیمیه بر نتیجه در.

فی الحقیقه ترکیبی قبول ایدن وارثک، متوفانک دیوناتیله مطالب اولق ایسته مه مسی
هیچ بر حکم افاده ایتمز. یعنی وارثک بو باده رضای لاحق اولوب اولمادیغنه باقلمز.
دیملک که عکس العمل هیچ بر زمان بر عقدک هدفنی تشکیل ایدمز. شاید ایدر ایسه
حادثه بر عکس العمل اولمقدن چیقار. بلکه صلب عقده مندج اولان برغایه اولور [۷].
مثلا وارث ترکیبی کندنی نامنه قبول ایدر فقط قبولک ایلا ایتدیکی (مطالب اولق)
کیفیتی وارثک فعل و حرکتک بر نتیجه ضروریه سیدر.

ثالثاً — عکس العمل عقده دوغردیه دوغردیه عمو قوسی کوردولمیه اشخاص
منافعی اوزنده وجوده کلیر.

منابعی، اشکالنی، ماهیتنی، فارق خطرینی بر چوق مثاللر اعانه سیله تثبیت ایتدیکمز
حقوقی عکس العمللرک شمدی عمومی نظریه لرینی تأسیسه چالیشم.
بوقسمی کله جک مقاله یه بر اقیورم. استانبول برنجی تجارت محکمه ی رئیس

احمد احمد

مفوق عزا

— ۲ —

یکی جزا قانوننده جزا سیستمی

یکی جزا قانوننک وجوده کتیردیکی جزا سیستمی اساسات آتیله ابله اجمال ممکندر:

۱: اعدام مستثنا اوله رق مجازات جسمانیه اصولی قبول اولنماشدر [۱].

۲: ایتالیان جزا قانونی حکمنه مخالف اوله رق اعدام جزاسی ابقا اولونمشدر.

[۷] (یهرینغ) بر حادثه نك عکس العمل عد ایدیلوب ایدیلیمیه آراسنده کی فرق عملی
نتایجی ایضاح ایتمور. فقط بونک تطبیقاتده بوبوک بر اهمیت واردر. چونکه حادثه عکس العمل
ماهیتنده ایسه رضا، فساد، بطلان آراناماز. عقدک استهداف ایتدیکی برغایه ایسه تلاحق رضایه
متعلق بالعموم وجائب پره نسیلری تطبیق اولونمق ایجاب ایدر.

[۱] ۱۲۷۵ تاریخلی جزا قانونی مصری اولدینی صرعه سربریلک فصلندن دولایی ضرب

جزاسی قبول ایدلشدی.

۳: رفع حریت جزا لریڻک بر قسمنک تجرید حجروی اصولی اوزره چکلمسی اساسی قبول ایدلمشدر .

۴: عمومیتله رفع حریت جزا لرنده سعی مجبوری واردر .

۵: مدت جزائیة سنک معین بر زمانی حسن حال ایله کچیرن محکومینک مشروطاً تخلیه سی ممکندر .

۶: معین بر مدت دن دون جزا ایله محکوم قادیڻ و کوچوکلرک مدت جزائیة لریڻک کندی اقامتگاهلرنده چکلمسنه محکمه مساعده ایده بیلیر .

۷: حد اعظمی بر آی حبس و یا خفیف حبس جزا لری ایله اوتوز لیره دن دون علی الاطلاق جزای تقدیلر مقامنه محکمه اسباب مخففه نک موجودیتی تقدیرنده توبیح عدلی ایله اکتفا ایده بیلیر .

۸: موقت جزا لر سنه شمسیه ایله حساب اولنور .

۱ مجازات جسمانیه — مجازات جسمانیه مجرمک شخصنه ضرب ، جرح قطع کبی بر فعل مؤثر ایله اذا ویرمک و یا اعدام صورتیه افنای حیات ایتدیرمکدر . تاریخاً مجازات جسمانیه ۱۸ نجی عصرک نهایته قدر بتون اوروپاده و بزده تنظیماته قدر تطبیق اولونمشدر . مع مافیہ یمن کبی مملکتک بعید و قسماً تمدین اولنه مین یرلرنده احکام شرعیه یه توفیقاً مجازات جسمانیه صوک دوره قدر تطبیق ایدیلکده ایدی .

مجازات جسمانیه اختلال کیری متعاقب اوروپا حکومتلرنده قالمقیه باشلامش و بونک مقامنه رفع حریت جزا لری قائم اولمشدر .

بزده سرسریلر حقنده ۱۳۲۵ ده قبول ایدیلن بر قانون ایله دایاق جراسی احکام جزائیة مز میانه کیرمش ایسه ده اشو قانونده محرر دایاق بر قاچ استنادن صرف نظر همان همان تطبیق ایدیلده مشدر .

۲ اعدام جراسی — اعدام جزاسنک له وعلیهنده اولان جمله جه معلوم ملاحظه و مطالعاتک تفصیلنه لزوم یوقدر . یالکز شوراسی محققدر که اعدام حق مجازاته استناد ایدوب ، جمعیت ایچزن حق مجازات موجود اولدجه اعدام جراسی ده موجوددر . واقعا بعض دولتر قانونلرندن اعدام جزاسنی قالدیرمشلردر . فقط تاریخی بعض اسباب و حادثاته استناد ایدن بو کیفیت دیکر لری ایچون بهمه حال اعدامک رفعنی استلزام ایتدیرتمز .

نته کیم ایتالیا ن قانوننده اعدام جراسی قبول ایدله مشدر . طوسقاناده اعدام جزاسنک

لغوی ایچون ۲۰ سنهك بر تجربه ياپش و تجربه نك ویردیكى شایان ممنونیت نتیجه اوزرینه ۱۷۸۶ تاریخنده لغو اولمشدی. اختلال کیردن صکره مجبوراً اعاده اولمش ایسه ده ۱۸۳۱ پیزا و فلورانسده ایکی اعدام جزاسنك اجرایی صره سنده خلقك کوستردیکی نفرت اوزرینه حکومت اعدام جزایی تطبیق دن چکنمش ونهایت ۱۸۴۷ تاریخنده منتشر بر قانون ایله اعدام جزایی بستیون قالدیرلشدر [۱].

اسویچره، پورتقال و نوروج قانونلرنده اعدام جزایی قالدیرلش. فلانديا، دانمارقه نوروج ده یوز سنه یقین بر زماندر اعدام جزایی تطبیق اولنماشدر. بودولترك خارجنده قالان دولترك هان هان هپسنده اعدام جزایی اساس اعتباریله قبول اولمش ایسه ده پك مهم احوالده تطبیق ایدیلمکده در.

تجربه مجروری و با همی منفرد — قانونزده جزا سیستمنده وجوده کتیریلن یکیلکك اك مهملرندن بریسی شهسز تجرید حجروی اصولی در. حبس مشترك اصولك برچوق محاذیری موجود در:

(۱) حبس مشترك محکومینك یکدیگرینی طانیالینه و یکی جرائم ارتکاب ایتك اوزره طولانی بیلملرینه مساحه ایدر، میدان ویرر.

(۲) محکوم حبسخانهده دیگرلری طرفندن کوردیکی جهته مؤخرأ طانمق صورتیله هم اعاده ناموس و حیثیت ایده بیلمك احتمالی تهلکویه دوشر و همده بوضعف دولایسیله یکی جرائم ارتکابه سبیت ویرر.

(۳) مکررلره واعیادی مجرملره قارشو تخویف ایدیجی بر واسطه اولمقدن زیاده اولنرك مدت محبوسیتلری ده خوش واکنجهلی کچیرمنه میدان ویرر، دیگر طرفدن تصادفی محکوملرك یا اخلاقی بوزار ویا تعذیب ایلر.

اکثر دولتر اسباب آنفه معروضیه بناء حبسخانهلرینی تجرید حجروی یعنی حبس منفرد اصولی اوزره جزایی چکه چك برشکه سوقش و بعض دولتر ایسه مشکلات مادیه و مالیه دولایسیله بالضرور بونی هنوز تطبیق ایده مه مشلدر.

یکی ایتالیان جزا قانونی پروژه سنده (۱۹۲۱) اریقو فوری نك ریاست ایتدیکی قومیسون حبس منفردك محبوسینك مغویاتی بوزهرق کنديسی بهیمی برحاله قویدیغی و اصلاحکار

[۱] رئیس حکومت قارشو متعدد سوء قصدلر اوزرینه بالکر حکومتك رئیس قارشو توجه اولنان بوکی تجاوزلردن دولایی اعدام جزاسنك تطبیقنه دائر اخیراً بر قانون نشر اولمشدر.

برفائده سی بولمادیغنی بالادعا حبس منفرد اصولنک الغاسنی قرارلشدیرمش او یولده یاپیلان احکام قانونیه بی حکومته عرض ایتشدیر .

تجربید حجروی یعنی حبس منفرد اساس اعتباریله ایکی شکلده جریان ایدر :
(۱) اوبورن سیستمی *Système au burnien* اشبو سیستمده محکومین ایش زمانتی مشترکاً و فقط سکوت قیدیه کچیرمک اوزره دیگر وقتلرده منفرداً تجربید ایدیلیر .
بوسیستم آمریقاده نیویورق حبسخانه لرندن بری اولان اوبورن *Auburn* حبسخانه سنده ۱۸۲۰ تاربخنده تطبیقنه باشلاندیغنی ایچون بوسیستمه اوبورن سیستمی دیر .

بوسیستمک طرفدارلری دائمی تجربیدک محکومی حیوانی بر حاله صوقه جنی اعصابی وقوه مفکره سی اوزرنده فنا تأثیر ایده جکنی وانسانک انسانلقدن تجربیدی ممکن اولامیاجغنی ادعا ایله دیگر سیستملره کندی اصوللرینک فائق اولدیغنی ادعا ایدرلر .

(۲) پانسلوانی ویاخود فیلادلفی اصولی *Système Philadelphenien* بو اصولده کیجه وکوندوز محکوم دیگرلرندن تجربید اولنور . اشبو سیستمده ایلك تطبیق اولندیغنی فیلادلفی حبسخانه سنک اسمی طاشیر .

(آ) فیلادلفی سیستمک پک مدھش اولان تأثیرندن قورقان حبسخانه اداره لری سیستمی برآز کوشتمش و محکومک حبسخانه مأمورلری ، حمایه ومظاہرت جمعیتلری ، وپاپاس وسائرہ کی خدمت مذہب ایله اختلاطلرینه وحتی محکومینک تحصیل وتربیه لری ایچون خواجه ایله تعلیملرینه مساعده ویرمشلردر .

اشبو سیستمه حبس منفرد اصولی دینہ بیلیر . بو اصولک الک بیوک فوائدی دیگرلرینک مضر تأثیراتندن قورتارمسی وکندیسنک اصلاح حالته خدمت ایده بیلیر .

(۳) مترقی سیستم *Système progressif* ریا ایرلاندا سیستمی *Système irlandais* تجربید اوزون مدت دوام ایتدیکی حالده علیھدارلرینک تعریفلری وجهله محکومک قوای عقلیه سنی خللدار ایتدیکی کورلیدیکندن اشبو اصول مقامنه قائم اولق اوزره حبس منفرد اصولی حبس مشترک اصولی ایله مزج ایدلش ومحکوم برچوق تجربه ومعاینه لره سوق اولنورق اصلاح حال ایتدکجه تجربید برآز دھا براقلیق اوزره ممزوج بر اصول قبول اولنشدیر .

باشلانغج تماماً تجربید ایله ابتدار ایدر ومحکوم اصلاح حال ایتدکجه تضییق کوشهر ونهایت بستیون محکمہ نک صلاح حالی تقدیرنده تخلیه مشروطه سی وقوع بولور .

بوسیستم ابتدا ایرلانداده تطبیق ایدلیدی جهته یوکا ایرلاندای سیستمی دیرلر. الیوم بوسیستم بتون انکلترده تطبیق اولنمقدهدر. اشبو اصوله کوره ۱۸۵۷ تاریخندن بری انکلترده مستملکاته نفی وتغزيب جزاسی servitude pénale دنیلان مکلفیت جزائیة اصولی اورتهدن قالمشدر.

انکلز ویا ایرلاندای سیستمک علام مخصوصهسی بوجه آتی اوصاف عرض ایدر:
اولا: انکلترده جزا اوچ وایرلانداده درت دوریه آریلیر:

(۱) دوره حد اعظمی دوقوز آی اولق اوزره تجرید حجروی.

بناءً علیه هر محکوم اول باول بودورده تجرید حجروی به سوق اولنور وصلاح حالی کورلدیکی حالد اداره برآینی حبسخانه ادارهسی تجریددن چبقارته بیلیر.

(۲) بالاده بیان اولنان دوقوز ویا تنقیص حالده سکز آینی مطلق تجرید حجروی ده کچرن محکوم ایکنجی بر دورده کیجهلری تجریده کچیرمک، یککلرینی آیری آلمق و اوقات سائره سنی حیات مشترکه ایله کچیرمک اوزره ایکنجی بر تجربه به سوق اولنور. بودورده مساعی رمانده سکوت مجبوری واردر.

(۳) ایکنجی دورده مشترک حیاتی ده صلاح حالی معین بر زمان کچیرمک صورتیله اثبات ایدن محکومینه اوچنجی بر دورده ticket of have دنیلن سربستی ورقهسی ویرمک صورتیله تخلیه مشروطه به قرار ویریلیر و کندیسنگ سربست حیاته راحت طورمدینی تعین ایتدیکي تقدیرده محکومیت مدتک ختامه قدر تخلیه مشروطه قراری استرداد اولنور.

(۴) ایرلانداده تطبیق ایدیلن دردنجی دوره ایسه بالاده ذکر وتعداد اولنان ایکنجی و اوچنجی دورلر آره سنده ادخال اولنور که بو اصول حبسخانه اداره سنگ ساکن ومتزوی حیاته آلیشانی محکومی آجیق وسربست حیاته آلیشدیرمغه یرار.

ثانیاً حبسخانه حیاته محکومک صلاح حالی تأمین ایتک اوزره راحت طوردقجه کندیسنه مکافات ونومرو ویرمک وبونلرک معین بر مقدار وصولدن صکره حبسخانه ده کندیسنه قارشو دهاملایم حرکت ایتک وچالشمه سینه مقابل اجرتی آتیرمق بر دورده دن دیگرینه دهاملایم آتلاقم ومدت محکمه سنگ ختامندن اول تخلیه سنی تأمین ایتک کبی کندیسنگ حیرتی استحصال وناموسکار حیاته برآن اول قاووشمسنی تأمینه خادم بر طاقم تدابیر تطبیق اولنور.

ثالثاً محكومك صلاح حالى تبين ايتديكى تقديرده تخليه مشروطه اصولى تطبيق ايديلير. تجريد حجروى ومتعاقب اصوللرك فائده بخش بر صورتده تطبيق محكومينك كرك حبسخانه داخلنده حياتلرينك وكرك تخليه مشروطه يي استحصالندين صكره خارجه ده كچيره جككلى سربست دوره نك دائمى صورتده مراقبه ونظارت آلتنده كچيرلسيله قائم وممكندر. بو سببدن دولايي محكومينك مراقبه سنى تايمين ايتك اوزره مراقبه وحمايه قوميسيونلرى ناميله پاتروناژ جمعيتلرى وجوده كئيرمك اقتضا ايدر.

فرانسه ده وجوده كئيريلن مراقبه قوميسيونلرى رسمى ماهيتى عرض ايتديكى ايچون عموميتله فائده بخش نتايج آلدله ايديله مه مشدر. آلمان ياده ايسه ا كثر يتله خصوصى بر ماهيت عرض ايدن بو قوميسيونلردن بك چوق فوائد آلدله ايدلمش اولوب بونلر عموميتله انفاذ جزاسيله مشغول اولان مدعى عموميلره حبسخانه اداره لرينه بك قيمتدار معاونت ويارديملرده بولمقده در.

آلمان ياده بالخاصه كنچ محكوملرك پاتروناژ جمعيتى قادينلردن مركب جمعيات خيريّه طرفندن تدوير ايديلكده اولوب بونلر كنچ مجرملرك محاكمه سنى ده تعقيب ومحكمه قراريله حمايه يي ده آلدله ابتد كدن صكره كنچ محكوملره دائمى مناسباتده بولنه رق اصلاح حال لرينه چوق يارديم ايتكمده درلر.
بزه كلنجه ؛

بزده واضع قانون مترقى سيستم دنيلن ايرلاندا اصولنده حبس منفردى قبول ايتمشدر. قانونمرك ۱۳-۱۶ نجى ماده لرى احكامى تدقيق ايديله جك اولورسه ايرلاندا اصولنك بزده كى صورت تطبيق حقنده اساسات آتیه نك قبول وتطبيق ايدلديكى كوريلير. اولاً آغير حبس جزالرنده :

أ) برنجى دوره : مطلق تجريد مؤيد ايسه ايلك اوچ سنه سى موقت ايسه جزانك آلتى ده برينه مساوى ايلك دوره سى بر حجره ده كيجه لى كوندوزلى يالكز براقق صورتيله اجرا قلنه جقدر. بو دوره آلتى آيدن اكسيك اوچ سنه دن فضله اوله ماز.

كوريلبوركه بزم سيستمك ايرلاندا سيستمندن بارز فرقى حبس منفردك اوچ سنه يه قدر اوزانه بيلمسى در. ۱۹۴۱ تاريخلى ايتاليان جزا قانونى پروژه سنده حبس منفرد بستانون قالديرلمشدر. قناعت مزجده اوچ سنه مدت حبس منفرد مملكت مزك صيبحاچه

اولان اقلیمی ایله پک قابل تألیف دکلدر. اعظمی بر سنه دن صکره ایکنجی دوریه کچمک وصلاح حالی تبین ایتدیکی تقدیرده دوقتورک مساعده سیله آلتی آیلق ایکنجی مطلق بر تجریدک تطبیقنه مساعده ایتک دها فائده بخشدر .

ب) ایکنجی دوره : مختلط تجرید برنجی دوره نک جریاندن صکره کیجه لری یالکز بر حجرده بر اقلیق و کوندوزلری سائر محبوسلرله قنوشامق سزین چالشدیرمق صورتیه اکمال اولنور. ۱۳ نجی ماده ایکنجی فقره بو دوره ایچون ایرلاند سیستمده اولدنی وجهله خدمتها یوقدر. محکومک صلاح حالی تبین ایتدیکی تقدیرده ۱۴ نجی ماده موجبجه -رکت اولنور.

ج) اک آشانی اوچ سنه محبوس جزاسنه محکوم اولوبده ایکی یچق سنه دن دون اولیه جق وجهله مدت جزائییه سنک یاریسنی ویا دها فضله سنی حسن حال ایله کچرن شخص باقی مدتی حبس خانه لرده مربوط زراعی و صناعی مؤسسه لک برنده و یا خود حکومتک اداره سی آلتنده منافعی عامه یه مخصوص ایشلرده چالشرق کچیرمسنه مساعده اولنور. ۱۴ نجی ماده نک برنجی فقره سی .

کوریلور که تماماً ایرلاند سیستمه مقابل اوله رق قانونمز تخلیه مشروطه دن اول محکومک سربست بر حیاته چالشمه سنه خادم متوسط دوره یی ده قبول ایتشد. محکومک حسن حالی دوام ایتزسه مساعده قالدیر یله بیلیر . ناموسکار بر حیاته آلیشدیرمق ایچون بوندن مؤثر بر اصول یوقدر .

د) بو دوره لری موفقیتله اتلانتان محکوم قانونک ۱۶ نجی ماده سنده تفصیلاً ایضاح ایدلدیکی وجهله تخلیه مشروطه سنه نائل اوله بیلیر . [۱]
ثانیاً حبس جزا لرنده :

أ) برنجی دوره : حبس جزا لری عمومی اوله رق کیجه لری بر حجرده یالکز بر اقلیق و کوندوزلری مجبوراً چالشدیر یلق صورتیه چکدیر یلیر . کوریلور که حبس جزا واضع قانون پک عمومی قویدنی قاعده یی صوکنه قدر تطبیق ایتک ایسته مش و آغیر حبس جزا لرنده تطبیق ایتدیکی زراعی و صناعی مؤسسه لرده ویا حکومتک اداره سی آلتنده منافعی عامه یه مخصوص ایشلرده چالشرق کچیرمسنه مساعده دن باحث اوچنجی دوره یی قبول ایتمه مشدر .

ب) ایکنجی دوره : مدت جزائیہ سنک معین بر قسمنی چکن صلاح حال قناعتنی ویره جک حسن حرکتی کورولدیکی تقدیرده مشروطاً تخلیه سنی استحصال ایدیهیلیر .

آغیر حبس ایله حبس جزالری حقنده واضع قانون طرفندن قبول ایدیلن اساساته کوره خفیف حبس دخی داخل اولدینی حالده هر اوج نوع حبس سیستمک تطبیقی تأمین ایدیهیلیمک اوزره اوج نوع حبسخانهده وجوده کتیرمک مجبوریتمز واردر .

اساساً هر اوج نوع حبس محکوملری حقنده تطبیق ایدیهیلیمک احکام قانونیه آرسنده پک بارز فرقلر موجوددر .

۱) آغیر حبسده برنجی دورهده تجرید مطلقدر . حبسده تجرید آغیر حبسک ایکنجی دورهسده اولدینی وجهله یالکیز کیجهلریدر خفیف حبسده تجرید یوقدر .

۲) آغیر حبسده ایکنجی دورهده سائر محبوسلرله قوشاماق مجبوریتی واردر . حبس وخفیف حبسده ایسه بویله بر مجبوریتم یوقدر .

۳) آغیر حبسده محکوم حبسخانه اداره سنک کوستره جکی ایشده چالشمق مجبوریتمدهدر . حبس وخفیف حبسده کندی استعدادینه واسکی مشغولیتنه اک موافق اولان ایشی انتخابده سربستدر .

بناءً علیه جزا سیستملمزک قبول ایتدیکی مختلف اصوللرک منتظماً تطبیقی بروجهبالا ایضاح اولدینی وجهله مؤسسات جزائیهمزی یکی باشند وجوده کتیرمکه ممکندر .

واضع قانون ؛ بوسیدن دولای جزا قانوننک موقع مرعیته وضعنه دائر ۵ مایس ۱۹۲۶ تاریخلی ۸۲۵ نومرولی قانونک ۳ نجی مادهسنده منفرد حبس دورهسی و ۱۴ نجی ۱۶ نجی و ۱۷ نجی ماده موجبجه مشروطاً تخلیهیه متعلق احکام قانونیهیی یکی حبسخانهلر تأسیسات وتشکیلاتی یاپیلان یرلرده عدلیه وکالتجه پیدرپی تطبیق ایدیهیلیمک درج وتصریح ایتیمک صورتیه منفرد حبس اصولنک بالضرور شمیدیدن تطبیق ایدیهیلیمک کوسترمشدر .

بوندن ماعدا جزا قانونمیزک صوک مادهلر نامی تحتنده کی صوک فصلنده ۵۸۹ نجی ماده نامی تحتنده : « برنجی کتابک یدنجی و سکزننجی بابلرینک منفرد حبس مدتی تزییده دائر اولان مادهلری احکامی حبسخانهلر تشکیلات و تأسیسات اجرا اولونجهیه

قدر منفرداً حبسه علاوه اوله حق مدته بر مثلی ضم اولنق صورتیه تطبیق ایدیه جکشی علاوه ایتک صورتیه احکام موقته قویق مجبوریتنده قالمشدر .

قانونمژک یدنجی وسکزنجی بابری اجتماع جرائم وتکرر جرم حاللرینی وضع ایتمش اولوب احکام مذکوره موضوع بحث منفرد حبسک شمذیک تطبیق ایدیه سی احتمالی اولمادیغی جهته بالطبع منفرد حبس مدتی محکومک مدت جزائیه سنه ضم وعلاوه اولنور . حقوق فاکولته سی مدرسلرندن

آووقات : مهودت فریم

قانون مدنی

بورج ایچون حبس اصولی قالدیرمالیمی ؟

محترم مدرس رشید بک افندینک مجموعه نك (٩) نومرولی نسخه سنده منتشر و (٩٨٠) نومرولی قانونک خطوط عمومیه سنی مبین (صوک اجرا تعدیلاتی و بورج ایچون حبس) مقاله سنی او قودم . عینی موضوعده یازدیغیم (یکی اجرا حکملری) مقاله سیله برلکده انتشاری کوزل بر تصادفدر . مزایای ذاتیه و علمیه لرینک تقدیرکاری بولندیغیم محترم مسلکداشمک مقاله لری جداً واقفانه و عالمانه در . هر ایکی مقاله ده عمومیت اعتباریه تطابق افکارده موجوددر . یالکز بورج ایچون حبس مسئله سنده مع التاثر مومی الیه ایله فکرآ ایرلمقده یز . اصول حقوقیه قومیسویننده اوزون مدت مستفید کالاتی اولدیغیم سوکیلی استاد ایله بو وادیده مسبق مداوله افکار دائماً عینی تخالفی انتاج ایتمشدر . دییه بیلیرمکه بو اختلاف اجتهاد اون سنه لک بر قدمه مالکدر . مومی الیه دارالفنون حقوق فاکولته سی مجموعه سنک (٩١٧—٣٣٣) سنه سنه عائد (١٠) نومرولی نسخه سنده نشر بیوردقلری (مواد حقوقیه ده حبس ایله تضییق) مقاله سنی او وقت او قومشدم . استانبول و پارس دارالفنونلرینک یتشدریدیکی قیمتی آرقداشمک بیوک بر صلاحیتله اجرا ایتدیکی تدقیقات محصله سی اولان مقاله نک موضوعی ، رسمی وظیفه مه ، اختصاصمه تعلقنه بناءً بنی پک علاقه دار ایتمشدی . بو مقاله ده مختلف غرب موضوعات اجراییه سی بالمناصبه تدقیق ، مختلف مملکتلرده جاری حبس اصوللری حقنده نافع معلومات جمع ایدلش اولوب نقطه نظری می درمیان خصوصنده مساعده لرله بو مفید معلوماتندن ده مستفید اولاجم .